



# CANTIC

EN HENOR

**D'A ITRON-VARIA-CALLOT,**

( E PARRÈS CARANTEC ).



Var don Cantic Santes Anna.

**VIRGO POTENS.**



Mari, c'hui a zo galloudus  
 En Env ha var an douar :  
 Rac-se, gant fizians, Mam Jesus,  
 Peb unan deoc'h a lavar :

**DISCAN :**

Gloar hac henor deoc'h da viken,  
 Itron-Varia-Callot ;  
 Selaouit bepret hor peden  
 Hac hor c'hanticou devot.

Hon tud coz ganeoc'h sicouret,  
 Ervez lavar an histor ;  
 Guechall var ho inimiet  
 A c'honnezas ar victor. — Gloar, etc.

E bâr gour-Enezen Callot,  
Leac'h m'a z'oa bet ar gombat,  
E savjont eur chapel devot  
Evit ho trugarecât. — Gloar, etc.

Abaoue neuse, Mam dener,  
Ouspen trizec kant vloas zo,  
Oc'h eus roët e peb amser  
Assistans d'a Vreiz hor bro. — Gloar, etc.

Hac abaoue chapel Callot,  
A zioud ar môr bras savet,  
Gant kalz pelerinet devot  
A zo bet darempredet. — Gloar, etc.

Evel hon tud coz, ô Mari,  
Ni fell deomp ho servicha,  
Ho caret hac hoc'h henori  
Ha deski d'an oll cana : — Gloar, etc.

Eus ho costez, Guerc'hes santel,  
Kendalc'hit da reï sicour  
Deomp-ni bugale Breiz-Izel,  
A-eneb peb adversour. — Gloar, etc.

Mari, c'hui zo gant guirionez  
Galvet : Stereden ar môr ;  
Bezit d'hon tud en ho enkrez,  
Eur porz-sur ato digor. — Gloar, etc.

En distro eus ho beachou,  
Diouallet ganeoc'h, Mari,  
Devot, discabel, divoutou,  
E teujnt amâ d'ho meuli. — Gloar, etc.

Al labourer var he dachen  
A ra deoc'h mintin ha nôz,  
En eur labourat he beden,  
Evit goulen ho pennoz. — Gloar, etc.

Selaouit he beden, Mari,  
Binniguit he labourou;  
Hac en ho chapel disoursi,  
E cano meuleudiou. — Gloar, etc.

Selaouit, ô Guerc'hes santel,  
Selaouit ar vam gristen:  
Evit he buguel d'a c'henel  
He c'halon zo en anken. — Gloar, etc.

P'a velo ganet he buguel  
Gant levenez e trido;  
Hac heb dale pell d'ho chapel  
D'ho meuli e tiredo. — Gloar, etc.

O finissa, Guerc'hes santel,  
Ni raï c'hoas deoc'h eur beden:  
D'an Iliz e rear ar brezel,  
Hastit, hastit d'he difen. — Gloar, etc.

Bezit sclerijen ha skoazel  
An hini a zo carguet  
D'a c'houarn an Iliz santel,  
Iliz ho Mab binniguet. — Gloar, etc.

Mari, refuch ar bec'herien,  
Hon rentit krê ha nerzus,  
A-eneb hoc'h adversourien  
Hac adversourien Jesus. — Gloar, etc.

Grit m'a reno an union  
Hac ar feiz è Breiz-Izel,  
Ha neuse gant devotion,  
E canimp a vouez huel : — Gloar, etc.

5

Beza e z'eus, teir gueach ar bloaz, induljan-  
sou plenier, evit kement hini, goude beza co-  
vesseat ha communiat, a ia d'a visita chapel  
Callot, hac a ra eno eur beden ervez intantionou  
hon Tad santel ar Pap.

1<sup>o</sup> Da lun ar Pantecost ;

2<sup>o</sup> Da lun an Dreindet ;

3<sup>o</sup> D'ar sul varlerc'h gouel Varia-Hanter-Eost.

Ar belerinet a zo sûr da gaout eno confes-  
sion.

Imprimatur, 23 Juillet 1865.

**JÉGOU, Vic. g.**



DÉPOSÉ :

J. H.

Moulet è Montroulez, è ty J. Haslé.